



REPUBLIKA E KOSOVËS - REPUBLIKA KOSOVO	KOMUNA E VUSHTRRISË-OPŠTINA VUČITRN
01 Nr. / Br.	94/22
Nr. i fq. / Br. sc.	-13-
Data: / Datum	28. 04. 2022
VUSHTRRI - VUČITRN	



REPUBLIKA E KOSOVËS

KUVENDI I KOMUNËS-VUSHTRRI

**PROCESVERBAL  
NGA MBLEDHJA E II E RREGULLT E KUVENDIT TË KOMUNËS SË  
VUSHTRRISË, MBAJTUR MË 31 MARS 2022**

*Mbledhja është mbajtur në sallën e Kuvendit të Komunës së Vushtrrisë, duke filluar në orën 10:15.*

Në këtë mbledhje ishin të pranishëm anëtarët e Kuvendit të Komunës së Vushtrrisë:  
Adnan Lahu, Agim Bregaj, Agron Përçuku, Alban Bajrami, Ali Januzi, Arlind Gogolli, Behar Duraku, Bekim Zabërgja, Blerina Shala, Bujar Pllana, Edona Gashi, Fakete Dushi, Fatmire Cecelia, Faton Hyseni, Galip Audiu, Gresa Muli, Gentiana Rama, Ilmi Azemi, Kushtrim Hyseni, Leonora Gërguri, Lorik Maxhuni, Mek Selaci, Melihate Basholli-Latifë, Mensur Kasumi, Mensur Kastrati, Mentor Hasani, Nasuf Aliu, Nurie Halili, Nurten Çerkezi-Gjyshinca, Refik Maloku, Shkelzen Xhaferi, Spasoje Stefanoviq, Sylejman Mehollı, Ymer Haradinaj dhe Zojë Hajrizi.

Mbledhjen e hapi dhe e kryesoi Melihate Basholli-Latifë, – kryesuese e kuvendit, e cila konstatoi se në sallë janë prezent 35 anëtarë të kuvendit, kuoram ky i mjaftueshëm për zhvillimin e punimeve të mbledhjes plenare dhe përmarrje të vendimeve të plotfuqishme, andaj procedoi me rendin e ditës.

Të pranishëm në këtë mbledhje ishin edhe Kryetari i komunës, z. Ferit Idrizi, nënkryetari i komunës z. Shpëtim Zhegrovë, përfaqësuesi i KFOR-it, përfaqësuesi i OSBE-së, përfaqësues të mediave të shkruara dhe elektronike, përfaqësues të shoqërisë civile.

**Sylejman Mehollı, anëtar i kuvendit-paraqiti** disa kërkesa të fshatit Akrashticë, që vlerësoi se kanë urgjencën e trajtimit të tyre dhe janë të nevojës reale për tu realizuar. Këto kërkesa lidhen me dy rrugë kryesore të këtij fshati rrugua “Vullnetari i UÇK-së”, dhe rr. “Qazim Morina” të cilat janë në gjendje të mjerueshme, përfaktin se asfaltimi jo kualitativ që është bërë para 10 apo 15 viteve kanë bërë që këto rrugë të shkatërrohen. Këtyre rrugëve duhet dhënë prioritet përfaktin se janë rrugë apo arterie kryesore të këtij fshati, andaj duke marrë përbazë gjendjen financiare të komunës duhet bërë përpjekje që përkthetë vit këto rrugë të riparohen për aq sa është e mundur. Po ashtu lagja “Zeqa” dhe lagja “Mehana” tek lumi apo prrocka Drejtoria e Urbanizimit të ketë prioritet asfaltimin e rrugëve në këto lagje. Mandje kërkoj nga Drejtoria e Shërbimeve Publike, që të kenë parasysh kyçjen në rrjetin e ujësjellësit të lagjes “Gashi” kjo duhet të trajtohet me prioritet tek zgjerimi i ujësjellësit.

**Nurie Halili, anëtare e kuvendit-kërkoj** nga komuna gjegjësisht Drejtoria e Inspektiveve, që marrë masa për zbatimin e rregullores për orarin e punës përbizneset private, duke respektuar sidomos vikendet si ditë pushimi ashtu edhe siç parashihe në rregullore. Kjo është kërkesë e shumë bizneseve e sidomos e punëtorëve në sektorin privat. Zbatimi i kësaj rregullore kishte filluar të

zbatohet në vitin 2020 dhe kishte dhënë efekte pozitive në aspektin e respektimit të orari të punës dhe në mbrojtjen e punëtorëve. Në këtë kontekst ajo kërkoj që rregullorja të filloj të zbatohet pas muajit të shenjët të Ramazanit nga e diela e parë që i bie me datën 9 maj 2022.

**Alban Bajrami, anëtar i kuvendit-kërkoj që të zbatohet rregullorja për orarin e punës për bizneset private, ashtu që dita e diel të jetë ditë pushimi. Pastaj kërkoj nga komuna që të gjenden fondet përfundimin e rregullimi të rrugës "2 maji" e cila është dëmtuar tej mase dhe për këtë më së tepërmë po pësojnë qytetaret e atij lokaliteti.**

**Ali Januzi, anëtar i kuvendit-përsëriti kërkesën e tij për të cilin deklaroi për shumë herë më radhe se nga asnjë qeveri nuk është ndërmarr asnjë veprim, kërkesa e tij lidhet me hedhjen dhe gjuajtjen e mbeturinave në fushën e fshatit Pasomë, ku siç deklaroi aty është duke u marrë një invazion nga mbeturinat inerte. Këtë kërkesë e ka potencuar disa herë sepse ajo rrugë nuk ka të bëj vetëm me fshatin Pasomë por lidh pjesën e rajonit të Shalës së Bajgorës, në këtë kontekst kërkoj që formohet një komision që ta vizitoj atë territor. Kërkoj që sa më parë të merren masa për largimin e atyre mbeturinave dhe ajo sipërfaqe të kthehet sikur ka qenë dikur tokë e pëlleshme e mbjellë me kultura bujqësore. Në fund ai kërkoi nga organet kompetente komunale, që të dalin në teren për ta inspektuar gjendjen dhe për të ndërmarr masat e duhura lidhur me këtë problematikë.**

**Ferit Idrizi, kryetar i komunës-pasi i përshëndeti të pranishmit në adresim paraqiti përgjigje në temat e ngritura nga anëtarët e kuvendit ku ndër të tjera shtoi se sa i përket rrugëve në fshatin Akrashticë por edhe rrugë tjera që janë dëmtuar, do të futen tek kodi ekonomik rikonstruktimi i rrugëve në kuadër të buxhetit të komunës dhe do të trajtohen me prioritet. Sa i përket propozimit për respektimin e orarit të punës dhe zbatimin e rregullores që e diela të jetë ditë pushimi në sektorin privat potencoi se plotësisht pajtohet me një propozim të tillë dhe kërkoi nga organet e inspektorati që të inspektojnë në teren dhe ta zbatojnë rregulloren. Lidhu me propozimin për ndërtimin e rrugës "2 maji" njoftoi se ky projekt vetëm se ndodhet në procedurat e tenderimit dhe ka shpresë se do të përfundohet brenda një afati të arsyeshëm. Për sa i takon hedhjes së mbeturinave në fushat në fshatin Pasomë dhe Banjësk, njoftoi se organet komunale kanë dal në teren dhe e kanë inspektuar, atje është konstatuar se kemi tri deponi ilegale njëra prej tyre gjendet në kodrat e fshati Banjësk që është më e madhja, mandej në rrugën për fshatin Skoçanë dhe në fshatin Pestovë. Lidhur me këtë problematikë ai u zotua se posa të alokohet buxheti i komunës do të shpallet një tender për eliminimin e këtyre deponive.**

**Benjamin Shala drejtor i DSHP-së-paraqiti sqarime duke u përgjigjur në pyetjet e ngritura nga anëtarët e kuvendit.**

**Refik Maloku, anëtar i kuvendit-sugjeroi që para se të bëhet rikonstruktimi dhe asfaltimi i rrugës "2 maji" të bëhet riparimi i gypit të ujësjellësit. Ndërsa sa i përket riparimit të rrugës në fshatin Pasomë sqaroj se ekziston një kontratë mes komunës dhe operatorëve ekonomik për riparimin e asaj rruge dhe kjo mundësi mund të shfrytëzohet.**

**Melihate Basholli-Latif, kryesuese e kuvendit –njoftoi se pika e shtatë e rendit të ditës largohet nga rendi i ditës, pasi që materiali mungon por edhe mungon konfirmimi i ministrissë së linjës për bartjen e mjeteve financiare nga viti 2021 në vitin 2022. Ndërsa në pikën në të ndryshme shtohet plotësimi i vendimi për caktimin e lokacionit për ndërtimin e tregut për prodhues vendor. Njëkohësisht edhe pika nëntë e rendit të ditës hiqet nga shqyrtime dhe shtyhet për një mbledhje tjetër.**

**Ferit Idrizi, kryetar i komunës-arsyetoj se propozimi që lidhet me caktimin e lokacionit për tregun e gjelbër, njoftoi se nevojitet një votim formal për ta plotësuar preambulën e vendimit referanca në Ligjin për Planifikim Hapësinor dhe Plani Zhvillimor Komunal. Ndërsa sa i përket vendimit për caktimin e lokacioneve për çerdhet njoftoi se është kërkesë e Ministrisë së Arsimit**

që caktohet këto lokacione ashtu që të hapet rruga për investime, kjo temë mund të futet në rend të ditës por edhe mund të shtyhet.

**Në fund të debatit jashtë rendit të ditës dhe për rendin e ditës, kuvendi pas votimit me vota “unanime” aprovoi këtë:**

## R E N D D I T E

1. Shqyrtimi dhe aprovimi i procesverbalit nga mbledhja e rregullt e Kuvendit të Komunës së Vushtrrisë, mbajtur më datë 24 j shkurt 2022;
2. Shqyrtimi dhe aprovimi i procesverbalit nga mbledhja solemne e Kuvendit të Komunës së Vushtrrisë, mbajtur më datë 5 mars 2022;
3. Shqyrtimi i Raportit për situatën ekonomike – financiare dhe zbatimin e planeve investuese, i punës së Kryetarit të komunës – ekzekutivit për vitin 2021;
4. Shqyrtimi i Informatës për përfundimin e periudhës së parë të viti shkollor 2021/2022;
5. Shqyrtimi i Informatës lidhur me punën e Këshillit Komunal për Siguri në Bashkësi për vitin 2021;
6. Shqyrtimi i Planit të punës i Këshillit për Siguri në Bashkësi për vitin 2022;
7. Shqyrtimi dhe aprovimi i Propozim-vendimit për ndërrimin e destinimit të tokës bujqësore në tokë ndërtimore;
8. Shqyrtimi dhe aprovimi i Propozim-vendimit për formimin e komisionit për plotësimin dhe ndryshimin e Rregullores për Tarifa dhe Ngarkesa Komunale;
9. Shqyrtimi dhe aprovimi i Propozim-vendimit për formimin e komisionit për plotësimin dhe ndryshimin e Rregullores për ndarjen e subvencioneve në bujqësi;
10. Shqyrtimi dhe aprovimi i Propozim-vendimit për shfuqizimin e vendimit të Kuvendit të komunës për lirim nga pagesa e taksës për shërbimet e çerdheve publike;
11. Shqyrtimi dhe aprovimi i Propozim-vendimit për shtyrjen e afatit për hartimin e Hartës Zonale të Komunës së Vushtrrisë;
12. Rishqyrtimi i vendimit të kuvendit të komunës me numër të protokollit 01-54/22 i datës 24.02.2022, për caktimin e lokacionit për ndërtimin e tregut të gjelbër në Komunën e Vushtrrisë;
13. Të ndryshme.

1. Shqyrtimi dhe aprovimi i procesverbalit nga mbledhja e rregullt e Kuvendit të Komunës së Vushtrrisë, mbajtur më datë 24 j shkurt 2022;

**Pas shqyrtimit të kësaj pike të rendit të ditës, Kuvendi me vota “unanime” aprovoi procesverbalin nga mbledhja rregullt e Kuvendit të Komunës së Vushtrrisë, mbajtur më datë 24 shkurt 2022.**

2. Shqyrtimi dhe aprovimi i procesverbalit nga mbledhja solemne e Kuvendit të Komunës së Vushtrrisë, mbajtur më datë 5 mars 2022;

**Pas shqyrtimit të kësaj pike të rendit të ditës, Kuvendi me vota 34 vota “për” ndërsa 1 votë “abstenim” (Spasoje Stefanoviq), aprovoi procesverbalin nga mbledhja solemne e Kuvendit të Komunës së Vushtrrisë, mbajtur më datë 5 mars 2022.**

**3. Shqyrtimi i Raportit për situatën ekonomike – financiare dhe zbatimin e planeve investuese, i punës së Kryetarit të komunës – ekzekutivit për vitin 2021;**

**Sylejman Mehollı, anëtar i kuvendit-tha** se është shqetësuese mos inicimi dhe dështimi i shumë projekteve kapitale, por edhe projekteve që kanë bëjnë me blerjen e shërbimeve si rezultat i dështimit të sistemit të prokurimit publik ku shumë mjete financiare të komunë kanë shkuar në suficit ndërsa kemi mungesa prej me të ndryshmeve për kushte pune dhe mungesë të zhvillimit të projekteve e në këtë rrjedh edhe mungesë të zhvillimit ekonomik. Tutje listoj disa nga projektet të cilat fare nuk janë iniciuar për shpallje në procedurat e prokurimit, si ato të teknologjisë informative, pastaj aparatet kundër zjarrit nuk kemi procedura të prokurimit, edhe pse çdo vit kemi probleme me zjarret, djegjën e pyjeve, pastaj inventarizimi i shtëpisë së kulturës, furnizimi dhe montimi i ulëseve për nxënësit në oborret e shkollave. Mandej mjete e konkretizimit, furnizimi me pajisje dhe veshmbathje: mantila, kapela, maska në kohë pandemi nuk është iniciuar. Furnizimi me sera, furnizimi dhe ngritja e pemishteve nuk është realizuar. Shqetësuese është mos furnizimi me oksigjen në qendrat e mjekësisë është kjo tepët e rrezikshme pasi interferon në shkaktimin e mundësimeve për vdekjen e pacientëve. Furnizimi dhe veshmbathja e stafit në QKMF, furnizimi me material shpenzues në laborator, ku jemi gjendur në situatë krize kur laboratori i ka kufizuar thuajse në minimum analizat e këtu shohim se fare nuk është proceduar furnizimi me reagencia dhe gjëra tjera laboratorike furnizimi me pajisje mjekësore. Tutej DDD-ja nuk është iniciuar edhe pse është obligim ligjor, në këtë rast pyeti se a ka bërë komuna deratzim, dezinfektim dhe dezisektim në institucionet publike nëse jo a ka bërë shkelje ligjore dhe kujt i mbetet përgjegjësia për këtë çështje. Servisimi dhe mbushja e aparateve kundër zjarrit a janë funksional nëse nuk janë servisuar pasi që kontrata ka dështuar. Shërbimet e konsulencës janë realizuar me sukses sepse këtu ka pasur angazhim me kontratë mbi vepër. Pas vërvshimeve që ka pasur vitin e kaluar, janë planifikuar mjetet për rregullimin e argjinaturave të lumjaneve, por edhe ky projekt ka shkuar në suficit. Për vite të tëra ka qenë vërejtje e auditorit të përgjithshëm për mungesë të depove për vendosjen e materialeve nëpër shkolla por edhe ky projekt ka dështuar dhe mjetet kanë shkuar në suficit, asfaltimi i rrugë Sllakoc-Kurillov po ashtu nuk është iniciuar.

**Ymer Haradinaj, anëtar i kuvendit-kërkoi që bëhet korrigjimi i rekomandimeve të mbledhjes së Komitetit për Politikë dhe Financa. Lidhur me raportin ceku se ka disa gabime teknike për të cilat kërko që të korrigohen. Tek prokurimi publik kontrata përfurnizim nga 55 aktivitete sa kanë qenë të planifikuar përfurim, 27 prej tyre janë iniciuar apo realizuar që në përqindje i bie se 49 % janë realizuar, ndërsa 28 prej tyre fare nuk janë iniciuar dhe këto projekte kanë dështuar që në përqindje është 51 %. Pastaj tek kontratat përfshërbime nga 27 projektet sa janë planifikuar, janë iniciuar 12 ose 44.45 %, kurse nuk janë iniciuar 15 ose 55.55 % kanë dështuar. Tek kontrata përfurin janë paraparë gjithsejtë 28 projekte prej tyre janë iniciuar 13 ose 46.4 % kurse nuk janë realizuar 15 projekte ose 53.6 %. Marr në tërësi nga 110 projekte sa janë planifikuar, janë iniciuar apo realizuar 52 prej tyre apo 47.27 %, kurse 58 prej tyre nuk janë iniciuar fare apo shprehur ndryshe i bie se 52.80 % e tyre nuk janë realizuar. Nga ajo çka shihet del në pah se nuk kemi nivel të kënaqshëm të realizimit të aktiviteteve të prokurimit dhe kontraktimit të punëve. Përkundër kësaj në raport thuhet se kemi një përbashkje të planit prej 60.50 % gjë e cila është e paqëndrueshme sepse realizimi është në masën prej 47.27 %. Mandej në raport thuhet se katër operator ekonomik janë penalizuari përfshak të mos realizmit të punëve sipas afatit, ndërsa vlera e këtyre penaltive është 1215 €, në këtë rast është mirë që të evidentohen se cilët janë ata operator ekonomik që janë të papërgjegjshëm dhe të njoftohen edhe anëtarët e kuvendit. Në faqe 14 të raportit kërkoi që të bëhet korrigjimi i disa gabimeve teknike sa i përket viteve përfshirë parfumimin e**

vitit shkollor, por edhe sa i përket numrit të nxënësve. Tek rezultatet e arritur në nivelin republikan thuhet se ekipet sportive shkolllore në gara pingpong pa plasman, d.m.th në këtë rast e rëndësishme paska qenë pjesëmarrja e jo plasmani. Tek suksesi i nxënësve në vitin shkollor 2021/2022 thuhet se në klasës X,XI dhe XII janë 11,665 nxënës, ndërsa në realitet janë 2548 nxënës. Mandej tek nxënësit e shkëlqyeshëm tek klasat e X kemi 69 të shkëlqyeshëm, klasët XI 67 ndërsa tek klasët e XII kemi 104 nxënës të shkëlqyeshëm apo në total janë 240, ndërsa në raport thuhet se nxënës të shkëlqyeshëm janë 4581, pra ky është një gabim drastik statistikor. Tek shërbimet publike thuhet se në projekt përfurnizim kanë qenë 9000 familje dhe deri tash janë kyçur ekonomit familjare të pesë fshatrave dhe mandej numërohen 17 fshatra, kjo tregon se problemi me furnizim me ujë të pijshtëm është një problem që po na përcjellë vit pas viti dhe është imediatet që të mëremi me këtë çështje. Lidhu me ujërat e zeza thuhet se në fshatin Stanoc i Epërm lagja "Shala" është rregulluar një kanalizim në gjatësi prej 650 metra, përfundimisht nuk njohuri dhe kjo është mirë të shpjegohet pastaj në fshatin Stanoc i Epërm thuhet se janë shtuar 2105 metra këtu është mirë të specifikohet se në cilat lagje janë është nderuar ky kanalizim.

**Bekim Zabërgja, anëtar i kuvendit-tha** se në këtë raport nuk kemi se çfarë të shtojmë e as çfarë të heqim pasi që i njëjti i takon qeverisës së kaluar, por e vërtet është se anëtarët e LVV-së janë duke bërë gara njëri me tjetrin përfundimisht e tyre që kanë bashkë qeverisur me LDK-në.

**Sylejman Meholli, anëtar i kuvendit-tha** se duhet kuptuar se LVV-ja e kishte shkëputur bashkëpunimin me LDK-në qysh në janar të vitit 2021 dhe përfundimisht buxhetit as që mund të akuzohet pasi që në atë kohe akoma nuk ka qenë i alokuar buxheti, dhe këtu ekziston dallimi mes LVV-së dhe Nismës Social Demokratet që e përfaqëson Bekim Zarbrqja, ku kjo parti ka qëndruar deri në fund në koalicion me Xhafer Tahirin dhe bile ka vallëzuar me të.

**Nasuf Aliu, anëtar i kuvendit-** pyeti se deri ku ka shkuar projekti me furnizim me motokultivator, pasi që aplikantet kanë realizuar participimin e tyre por akoma nuk janë furnizuari me këto makina. **Faton Hyseni, anëtar i kuvendit-kërkoi** nga kryesuesja e kuvendit që ta zbatoj rregulloren e punës së kuvendit, ashtu që përfundimisht rendit të ditës mos të ia jap fjalën dy herë të njëjtët anëtarë të kuvendit.

**Hyda Dallku, drejtor i DP-së-paraqiti** sqarime lidhur me raportin në fjalë duke u përgjigjur në temat dhe pyetjet e ngritura nga anëtarët e kuvendit. Ai vlerësoi se të gjitha suksese dhe dështimet i atribuohen dikujt tjetër i cili tashëm nuk ka është në udhëheqje të komunës. Përfundimisht ai njoftoi kuvendit me procedurat e prokurimit dhe me kontrata që tashmë i ka lidhur Komuna e Vushtrrisë me operatoret ekonomik. Sa i përket kontratës përfurnizim me motokultivator njoftoi se kjo kontratë dhe komuna është duke e pritur vendimin e OSHP-së.

**Adnan Lahu, anëtar i kuvendit-tha** se jo vetëm këtë vit por edhe vitin e kaluar komunat e Kosovës kanë probleme me OSHP-në, dhe kjo është njëra prej arsyeve që vitin e kaluar shumë projektet kapitale kanë dështuar. Andaj tani nuk duhet tentuar të hedhim fajin nga subjekt politike tek tjetri duke luajtur rolin e bajraktarizmit politik, sepse zgjedhjet e fundit i kanë treguar vendit secilit subjekt politik. Ai tërhiqi vëmendjen se edhe kjo qeveri do të ketë problem me OSHP-në dhe kjo do të reflektoj në shpenzimin e buxhetit të komunës.

#### 4. Shqyrimi i Informatës përfundimin e periudhës së parë të vitit shkollor 2021/2022;

**Refik Maloku, anëtar i kuvendit-tha** se kur flasim përfundimin statistikor nuk duhet orientuar vetëm në ofrimin e disa statistikave apo një grumbull numrash, por duhet bërë analizë krasnimore përfundimtare të nxjerr ndonjë konkluzion lidhur me ndonjë dukuri negative apo ndonjë përparësi. Në raportin

e ofruar nga DKA-ja nuk ka sugjerim as nuk ka përfundime dhe konkluzione se si do të përmirësohet gjendja në arsimin e Komunës së Vushtrrisë. Në raport përshkruhen renovimi-meremetimi, ndërtimi dhe ndërrimi i pajisjeve në shkollat e komunës, e puna e DKA-së nuk përfundon me kaq. Pastaj tha se kushtet materiale në infrastrukturën shkollore janë tepër të nevojshme, por jo të domosdoshme për të ngritur performancë dhe cilësinë në arsim. Sa i përket suksesit vërehet se ka konstruksion në sukses dhe ai sukses është jo real dhe jo i vërtet sepse në klasët I-V të shkollave fillore kemi me sukses të shkëlqyeshëm 65 %, në klasën e parë (I) shkollës fillore 86% janë të shkëlqyeshëm, pastaj në klasët VI- IX rezultati i shkëlqyeshëm i nxënësve bie në 28 %, ndërsa në shkollën e mesme 18 % dhe kjo është e tmerrshme sepse tregon se ky sukses nuk është real, lidhur me këtë gjendje Drejtoria e Arsimit duhet të ndale seriozisht të merret me këtë çështje pasi që diçka vërtet nuk është duke funksionuar. Pastaj kemi 129 nxënës me ngecje në zhvillim dhe vetëm 3 mësues merren me këta fëmijë. Janë 8 shkolla me ma pak se 10 nxënës për një klasë dhe imagjinon se çfarë mësimi mund të zhvillohet në këto shkolla dhe klasë ose në rastin më të keq kur kemi klasë dhe mësimi të kombinuar. Andaj ju adresua kryetarit të komunës se duhet që në një afat sa më të arsyeshëm të ofroj një plan zhvillimor të Arsimit dhe të ndërmerrjen veprime sa më shpejt që ndryshohet gjendje në arsim jo duke akomoduar interesa vende pune për ndonjë mësimdhënës por duke ngritur kapacitetet e mësimnxënies tek nxënëset dhe ngritja e cilësisë në arsim. Në fund lidhur me emërimin e shkollave, vlerësoi se shumë shkolla janë pa emër dhe pyeti se kur do të emërohen ato.

**Ymer Haradinaj, anëtar i kuvendit-kërkoi të bëhen disa korrigjime në informatë që lidhen me emërtimin e Ministrisë së Arsimit që akronimit MASHT ti shtohet shkronja I sepse tanë është MASHTI. Pastaj kërkoi të korrigohen data e fillimit të vitit shkollor jo me 14 shtator por procesi mësimor ka filluar më datën 27 shtator 2021 dhe që deri në atë kohë asnjë shkollë në Republikën e Kosovës nuk ka punuar si pasoj i rritjes së numrit me të prekurit nga covid-19. Rregullimi i ngrohjes qendrore në vlerë prej 22,000.00 € duhet të specifikohet se në cilat shkolla janë instaluar nxehjet, ndërtimi i rrethojave të shkollave 20,000.00 € duhet të dihet se në cilat shkolla janë realizuar këto projekte të rrethojave, ndërtimi i fushave sportive 30,000.00 €, ndërtimi i tualetave 25,000.00 €, meremetimi 65,000.00 € në këto raste duhet bëhet specifikimi i secilës shkollë se ku janë kryer këto projekte. Ka disa prej shkollave që emërohen me emër të fshatit ku gjenden, andaj mirë kishte me qenë që shkollat të emërohen pasi që kemi mjaft personalitet të dëshmuara që meritojnë që shkollat të mbajnë emrin e tyre. Në vazhdim ai adresoj disa pyetje për Drejtoren e Arsimit, sa shkolla ka në Komunën e Vushtrrisë duke përfshirë këtu çerdhet publik dhe private, para filloret, shkollat fillore, shkollat e kombinuara fillore dhe të mesme të ulëta, shkolla të mesme të ulëta, shkolla të mesme të larta paralele të ndara e të tjera? Sa është numri i punëtorëve në Komunën e Vushtrrisë, prej tyre sa janë mësimdhënës, staf administrativ, staf ndihmës. Për shkak të pandemisë mësimdhënësit që kanë qenë me sëmundje të ndryshme është bërë zëvendësimi i tyre, por si është bërë zëvendësimi i tyre të cilët nuk punojnë për shkak të pandemisë? A janë plotësuar më kohë vendet e lira të punës për edukator, mësimdhënës të ciklit I-V, VI-IX, X-XII, për bibliotekistë e staf ndihmës? A kemi kuadër të planifikuar që punon nëpër shkollat e Vushtrrisë, apo kemi edhe mungesë kuadri në ndonjë lëndë mësimore. Në informatë nuk është paraqitur numri i mungesave të nxënësve që paraqet një problem në veti dhe nuk janë paraparë masat që duhet ndërmarr për zgjedhjen e tyre. Sa janë të pajisura shkollat tonë me pajisje teknologjike si: kompjuter, lap-top dhe tableta për organizimin e mësimit në distancë. Në kuadër të DKA-së a ekziston ekipi kundër braktisjes dhe mos regjistrimi të nxënësve në shkolla sidomos në shkollat e mesme përfshirë klasë e X-dhjetë, në informatë nuk kemi të dhëna për shkollën e muzikës dhe për shkollën e mesme të lartë private “Viciona”. A mbahen mbledhjet e rregullta me drejtoret e**

shkollave me qëllim të llogaridhënes, ndarjes së përgjegjësive dhe marrjes së vendimeve të përbashkëta. Duke ditur se vlerësimi është proces indikator determinues për nxjerrjen e treguesve kryesor për ngritjen e cilësisë në arsim dhe për krijimin e një sistemi arsimor bashkëkohor kjo informatë konstaton gjendjen e tanishme në arsim por nuk përcakton objektivat për të ardhmen që do të reflektonte pozitivisht në përmirësimin e shkallës së arritshmërisë së nxënësve dhe ngritjen e cilësisë në procesin edukativo-arsimor.

**Galip Audiu, anëtar i kuvendit**—pasi i përshëndeti të pranishmit tha se në këtë seancë të kuvendorit Drejtoria e Arsimit e ka sjellë një informatë për periodën e parë të vitit shkollor 2021/22. Duke u bazuar në materialet e paraqitura në informatë, shihet qartë, se DKA ka bashkëpunim të ngushtë me institucionet tjera siç janë: Kryetari i Komunës, sektori i Inspektoratit në Mitrovicë si dhe Ministrinë e Arsimit. Po ashtu në informatë janë prezantuar mjafë mirë objektivat, zhvillimet, aktivitetet dhe të arriturat brenda kësaj periudhe. Fillimi i vitit shkollor 2021/22 siç dihet filloj me vonesë për shkak të pandemisë covid19, por ditët humbura tashmë janë mbajtur dhe procesi arsimor në përgjithësi ka shkuar në rregulle. Materialet e sjellura nga DKA flasin konkretisht për se cilin nivel shkollor, nga parafillorët e deri te shkollat e mesme të larta, madje për secilën shkollë veç e veç, për gjendjen e shkollave, investimet që janë realizuar, numrin e nxënësve, aktivitetet brenda dhe jashtë shkollave, trajnimet e mësimdhënësve etj. Një gjë që më la shumë përshtypje pozitive, është që disa nga shkollat kanë realizuar projekte të fituara nga organizata të ndryshme, duke sjellur investime konkrete, e që ndikon drejtpërdrejt në zhvillimin e mësimdhënies dhe mësim nxënies. E kjo tregon se disa nga drejtorët nuk kanë pritur vetëm buxhetin që ju ka nda nga komuna, por kanë hulumtuar dhe kanë gjetur donacione të reja. Me këtë rast dua ti inkurajoi drejtorët e këtyre shkollave, për përkushtimin maksimal të tyre. Po ashtu në raport vihet në pah se disa nga bizneset këtu në Vushtrri, por edhe nga mërgimtaret tanë diasporë, në një formë apo tjetër, i kanë përkrahur shkollat për mes donacioneve të ndryshme. Dua ta përmendi dhe njëkohësisht ta falënderoj Abdullah Kovaçin me qëndrim në Gjermani, i cili për të disatën herë po e ndihmon shkollën fillore “Emin Duraku” në Novolan. Po ashtu edhe profesori Raif Mehmeti me qëndrim në Suedi, e ndihmon Gjimnazin e “Eqrem Çabej” me donacione po thuaqse për çdo vit. Shkolla fillore “Rexhep Musa” në Ceceli ka pranuar donacione nga IADK dhe Emona Center. Mandej Shkolla fillore “Mustafë Shyti” në Oshlan ka pranuar donacione nga ETC. Duhet theksuar që shumica e shkollave janë pajisur me mikro-bit, diçka që është shumë pozitive. I përmenda këto raste për dy arsyen: E para për me ju dhanë shembuj se menaxherët e shkollave nuk duhej rreshtuar për të gjetur fonde për shkollat që i udhëheqin dhe e dyta për me i falënderuar donatoret dhe me ju bë thirrje bizneseve të tjera se përkrahja në fushën e arsimit është në interes të përgjithshëm të shoqërisë. Edhe pse raporti ka të bëj vetëm me periodën e parë, megjithatë nuk mund të kalojmë këtë pikë pa i përmend disa nga punët dhe aktivitete të mira, që janë bërë këta muajt e fundit. Bie fjala nga fillimi i muajit mars i këtij viti, ka filluar furnizimi i nxënësve me kifle, e nga ajo që i kemi pa, kiflet janë mjafë kualitet. Duke e pasur parasysh që kryetari i komunës z. Ferit Idrizi vjen pikërisht nga fusha e arsimit, për pak muaj të qeverisjes ka marr një varg iniciativash, e që ndërlidhen pikërisht me fushën e arsimit. Javë me parë me iniciativën e kryetarit u formua grupi vlerësues i shtëpi-shkollave të viteve 1990-ta, grup të cilin e udhëhiqi, dhe për dijeninë tuaj, ky grup e ka vazhduar punën, kemi dal në teren, i kemi identifikua pjesën dërmuese dhe jemi duke e përgatitur një raport për kryetarin dhe kuvendin. Po ashtu me iniciativën e kryetarit, muaj me par kanë filluar përgatitjet për organizimin e kuizeve të diturisë në të gjitha nivelet. Është formuar grupi punues, është hartuar rregullorja e garave, janë përgatitur pyetjet dhe u janë shpërndarë nxënësve. Këto gara të diturisë prej disa vitesh i'u kanë munguar shkollave në Vushtrri. Dhe diçka që është shumë pozitive dhe lajm shumë i mirë, për çka e ka nda edhe kryetari këto ditë, është

vendimi i rritjes së numrit të bursave për studentë nga 50 në 70. Megjithatë, unë këtu e kam edhe një propozim që organet komunale të bashkëpunojnë edhe me bizneset dhe të gjejnë mundësi që edhe ata të kontribuojnë për rritjen e numrit të bursave për studentë. Një gjë të tillë e bëjnë edhe disa komuna tjera dhe nuk është e kundërligjshme. Jam i vetëdijshëm se këto veprime dhe shumë veprime tjera në muajt në vijim, do te ndikojë që sa do pak të rritej cilësia në arsim, por po ashtu jam shumë i vetëdijshëm se vetëm me masa në nivel komunal, është e pa mundur të kemi një arsim në nivelin e duhur. E në fund dua të theksojë që: Pa një arsim cilësor, nuk mund ti konkurrojmë shoqëritë e përparuara, e për një arsim cilësor ne si shoqëri duhej ta vemi arsimin si top-prioritet. **Sylejman Mehollı, anëtar i kuvendit-tha** se i vjen mirë që propozimet e tij të shtruara në KPF, janë marr për bazë nga DKA në hartimin e kësaj informate. E ardhmja e fëmijëve tanë varet nga arsimi i tyre dhe të gjithë duhet angazhuar për ngritjen e avancimin e kësaj fushe. Ai vlerësoi se nuk duhet frikësuar debatit për arsim dhe njëkohësisht nuk duhet që atë ta politizojmë. Në emër të grupit kuvendar të LVV-së, e inkurajoj kryetarin e komunës që të ndërmarr hapa reformator në fushën e arsimit për përmirësimin e gjendje në këtë veprimitari shoqërore mjaft me peshë. Për tej dallimeve politike dhe ngjyrimeve tjera, arsimi duhet ti përbashkoj të gjithë për ta ngritur perfomrancën. Informata e ofruar nga drejtoria më tepër flet për statistika dhe çështjet e infrastrukturës se sa që merret me cilësinë në arsim. Në informatë nuk ka asnjë statistikë për masat disiplinore qoftë për mësimdhënësit apo për nxënësit, dhe në këtë rrjedh nuk dihet nëse dikush është penalizuar me ndonjë masë. Më pas nuk ka të dhëna për dhunën në shkolla edhe pse të gjithë e dimë se ka problem nëpër shkollat tona me huliganizëm dhe dhunë, ka problem me dukurit devijante si duhan pirja narkomania e të ngjashme. Para disa dite e kemi pa në media gjendjen e një mirëmbajtësi në shkollën e fshatit Smrekonicë dhe për këtë problematikë nuk kemi asnjë fjalë. Më tej në informatë nuk figuron shkolla regionale e mjekësisë që ndodhet në Mitrovicë, e ku atje mësojnë një numër i konsiderueshëm i fëmijëve tanë. Nuk të dhëna për identifikimin e nxënësve që konsiderohen si super talent, e që është dashur që kjo e dhënë të evidentohet. Lidhur me garat sportive të nxënësve dhe rezultatet e arritura, ceku se komuna duhet ti shpërbile nxënësit që kanë arritur suksese me ndonjë çmim dhe kështu të kemi një stimulim të këtyre nxënësve. Në fund përsërit dhe inkurajoj kryetarin e komunës për fillimin e reformave në arsimin e komunës, duke pasur për bazë specifikat e komunës por edhe duke u bazuar në numrin e banorëve dhe numrin e nxënësve sepse ekziston rreziku që shkollat që janë me pak nxënës pasi disa viteve të mbyllen.

**Ilmi Azemi, anëtar i kuvendit-tha** se informata në fjalë është vërtet e kompletar, pasi që asnjëherë më parë nuk janë ofruar të dhëna për zhvillimet e gjithmbarshme në sferën e arsimit për çka edhe e përgëzon drejtoren. Parafolësit edhe pse deklarojnë se nuk dëshirojnë të politizohet arsimi ata në të vërtet mbajë vetëm fjalime politike për të përfituar ndonjë poen politikë tek qytetaret dhe sillen sikur të ishim në fushatë elektorale. Ajo se çfarë ai ka pritur nga kolegët e tij parafolës është nëse ata kanë gjetur ndonjë modalitet për ngritjen e mësimdhënies dhe mësim nxënies dhe ngritjen e cilësisë në përgjithësi. Nga diskutimet e mëhershme nuk pamë diçka që e vlen përpos konstatimeve mbi gjendjen faktike dhe atë se mungon ndonjë presë apo ndonjë pikë në këtë dokument. Kemi problem me zvogëlimin e numrit të nxënësve në disa shkolla, dhe kjo dukuri do reflektoj në mësimdhënie dhe mësimnxënien, në këtë kontekst duhet gjetur një modalitet mes qeveris komunale dhe prindërve, por që në asnjë rrethanë nuk duhet mbyllur shkollat pa pëlqimin e prindërve. Në fund tha se në informatë është evidentuar se në një përqindje të vogël është një numër i nxënësve të pa notuar, dhe për këtë duhet shikohet sepse është obligim ligjor që në ciklin e ulët nxënësit të mos mbesin të pa notuar.

**Agim Bregaj, anëtar i kuvendit-tha se drejtoresha e arsimit ka ofruar para kuvendit një informatë mjaft gjithëpërfsirëse me diagrame të cilën e përgëzon. Ajo çka është shqetësuese është faktin i rënies së numrit të nxënësve për të cilën duhet gjetur një zgjidhje.**

**Faton Hyseni, anëtar i kuvendit-deklaroi** se nga data 29.03.2022 zyrtarisht është bërë pjesë e subjektit politike Aleanca për Ardhmérinë e Kosovës, pra nga sot koalicionit PDK-AAK i shtohet edhe një asamblist. Tutej ai përgëzoi kryetarin e komunës dhe drejtoreshën e arsimit për prioritetin që po i jepin arsimit ashtu sikur edhe ka premtuar kryetari Idrizi në fushatën zgjedhore. Problematika e rënies së suksesit duke u ngjitur në klas më të lartë apo duke u rritur është një problem i kahershëm dhe ka përmasa kombëtare, për të cilin duhet gjetur një zgjidhje. Më tej shtoi se kemi probleme sa i përket orientimit në karrierë sepse nxënësi duhet të përcaktohet qysh në klasën e gjatës se çfarë profesioni duhet të merr. Në fund ai përgëzoi drejtoreshën për punën e mirë që është duke bërë.

**Miradije Maloku, drejtoreshë e DKA-së-paraqiti** sqarime lidhur me informatën, duke u përgjigjur në temat dhe pyetjet e ngritura nga anëtarët e kuvendit. Në vazhdim ai paraqiti të dhëna dhe statistika sa i përket numrit të shkollave, numrit ë nxënësve dhe numrit të mësimdhënësve në Komunën e Vushtrrisë. Tutej konstatoi se kemi rënë të numrit të nnxënësve në cilin e ulët në viset rurale si: Dumnicë e Epërme, Ceceli, Pasomn Gllavatinë etj. Lidhur me problemin e rënies së suksesit nga cikli i ulët në shkollën e mesme, vlerësoi se ky krahasim nuk mund të bëhet pasi që dallon plan programi nga niveli i ultë në atë të mesëm. Lidhur me rastin që ka ndodhur në shkollën e fashit Smrekonicë, ku është helmuar një mirëmbajtësi i asaj shkolle ajo paraqiti para kuvendit raportin e konstatimit të atij rasti të cilën e lexoj para anëtarëve të kuvendit.

**Refik Maloku, anëtar i kuvendit-vlerësoi** se përmirësimi i infrastrukturës shkollore është kusht i nevojshëm për zhvillimin e arsimit por jo i domosdoshëm, andaj edhe propozoi që projektet për ndërtimin e shkollave të hiqen fare nga DKA-ja dhe të vendosen në Drejtorenë e Urbanizmit, ndërsa zyrtaret e DKA-së të merren ekskluzivisht me çështje të arsimit dhe cilësisë në arsim.

**Ferit Idrizi, kryetar i komunës-tha** se ka vërejt dhe është evidente dhe e konstatuar se gjendje në arsim nuk është e mirë, dhe fajet duhet kërkuar por ato kryesisht vinë nga përpilimi i kurrikulave dhe mos përshtatja në sistemin tonë arsimor. Por qeveria komunale nuk është duke mbetur duarkryq, ajo ka filluar në pilotimin e garave të diturës në fusha dhe lëndë të ndryshme me qëllim të ngritjes së konkurrencës dhe mobilizimit, procesi ka filluar me klastë e V, IX dhe klastë e XII, madje sugjerimi i tij ka qenë që për klasët e XII, pyetjet të jenë nga testi pranues në fakultet të mjekësisë arkitekturës dhe ndërtimtarisë. Ajo se çfarë është synim i tij është shtrirja e bashkëpunimit mes kryetarit-qeverisë komunale, dhe kuvendit por edhe me drejtoret e shkollave, ashtu që të rritet përgjegjësia llogaridhënia dhe ngritja e cilësisë së arsimit. Rënia e numrit të nxënësve nuk është domosdo kusht për rënien e rezultateve të arsimit, sepse më lehtë mund ti përgatitesh pesë nxënës në matematikë se sa 50 nxënës në një klasë, defekti është tek mbikëqyrja sepse në disa shkolla orët mbahen vetëm 15 minuta e jo 45 minuta ashtu si është e paraparë me normativ shkollor. Në fund tha se si kryetar i komunë do të bashkëpunoj ngush me Ministrinë e Arsimit, dhe nuk e ka ndër mend të dal jashtë përgjegjësve ligjore që i takojnë sikur se kishte ndodhur me një kryetar komuna që e kishte sfiduar veten me mbyllje shkollash, ndërsa ditëve në vijim do ta shpalos planin e zhvillimor të arsimit dhe aty janë paraparë mekanizmat për ngritjen e cilësisë së arsimit dhe pretë që edhe anëtarët e kuvendit me eksperiencën e tyre të jepin kontributin e tyre.

**5. Shqyrtimi i Informatës lidhur me punën e Këshillit Komunal për Siguri në Bashkësi për vitin 2021;**

**Ymer Haradinaj, anëtar i kuvendit-tha se në këtë informatë thuhet se në mbledhjen e muajt shkurt dolën tri rekomandime ndërsa janë cekur vet[m dy prej tyre.**

**Ferit Idrizi, kryetar i komunës-tha se në këtë informatë janë pasqyruar aktivitet e Këshillit për Siguri në Bashkësi, forum ky i cili ka një rëndësi të veçantë sepse nga funksionimi i tij dalin shumë rekomandime që ndikojnë pozitivisht në funksionimin e sferave tjera komunale.**

**6. Shqyrtimi i Planit të punës i Këshillit për Siguri në Bashkësi për vitin 2022;**

**Ferit Idrizi, kryetar i komunës-tha se plani i punës i Këshillit për Siguri në Bashkësi për vitin 2022, është i ndarë në objektiva dhe brenda afateve mendohet të realizohen aktivitet e parapara.**

**Pas shqyrtimit të kësaj pike të rendit, kuvendi pas votimit me vota “unanime” aprovoj Planin e punës të Këshillit për Siguri në Bashkësi për vitin 2022.**

**7. Shqyrtimi dhe aprovimi i Propozim-vendimit për ndërrimin e destinimit të tokës bujqësore në tokë ndërtimore;**

**Pas shqyrtimit të kësaj pike të rendit, kuvendi pas votimit me vota “unanime” vendosi me sa vijon:**

1. Me këtë vendim lejohet ndërrimi i destinimit të tokës bujqësore në tokë ndërtimore në parcelat kadastrale P-70202017- 00107-0 me sipërfaqe prej 8766 m<sup>2</sup>, me kulturë arë e klasës së pestë (5) dhe parcela kadastrale P-70202017-00109-0 me sipërfaqe prej 7342 m<sup>2</sup>, me kulturë arë e klasës së pestë (5), Zona Kadastrale Gllavatin - Komuna e Vushtrrisë, që evidentohen në emër të N.P.T “ECOTECH” me pronar Suphi Metëhiu.

2. Qëllimi i lejimit, të ndërrimit të destinimit të tokës bujqësore në tokë ndërtimore, të parcelave kadastrale të cekura si në pikën 1 të këtij vendimi, është ndërtimi i objektit industrial për prodhimin e ngjyrave dhe llaqeve.

3. Për zbatimin e këtij vendimi obligohen: Drejtoria për Ekonomi, Bujqësi, Pylltari dhe Zhvillim Rural, Drejtoria për Gjeodezi, Kadastër dhe Pronë si dhe Drejtoria për Urbanizëm dhe Mbrojtje të Mjedisit.

4. Obligohet pronari i parcelave nga pikë 1 e këtij vendimi që të bëjë pagesën e tarifës për ndërrim të destinimit të tokës bujqësore të klasës 5, sipas nenit 14, paragrafi 14.2, pikë “b” të Udhëzimit Administrativ Nr.401/2006 për ndërrimin e destinimit të tokës bujqësore të klasës 5, përmes Drejtorisë për Ekonomi, Bujqësi, Pylltari dhe Zhvillim Rural.

5. Ky vendim hynë në fuqi shtatë (7) ditë pas publikimit në faqen zyrtare të Komunës së Vushtrrisë.

8. Shqyrtimi dhe aprovimi i Propozim-vendimit për formimin e komisionit për hartimin e Rregullores për Tarifa dhe Ngarkesa Komunale;

**Pas shqyrtimit të kësaj pike të rendit, kuvendi pas votimit me vota “unanime” vendosi me sa vijon:**

1. Me këtë vendim formohet komisioni për hartimin e Rregullores për Tarifa dhe Ngarkesa Komunale në përbërjen si në vijim:

- 1.1 Nurie Halili, anëtar e kuvendit (PDK);
- 1.2 Shkelzen Xhaferi, anëtar i kuvendit (LDK);
- 1.3 Nasuf Aliu, anëtar i kuvendit (LVV);
- 1.4 Bekim Selmani, shef i Sektorit të gjendjes civile;
- 1.5 Merita Rama, zyrtare për buxhet dhe financa.

2. Komisioni i cekur në pikën 1 të këtij vendimi në takimin e parë, në përbërjen e tij duhet të zgjedh kryesuesin e komisionit dhe procesmbajtësin, ashtu që të evidentojë dhe hartoje Rregulloren për Tarifa dhe Ngarkesa Komunale, duke e marrë për bazë rregulloren bazë dhe plotësim-ndryshimet e bëra nëpër vite, në mënyrë që të hartohet një tekst i spastruar i rregullores në fjalë.

3. Për zbatimin e këtij vendimi obligohet komisioni i cekur në pikën 1 të këtij vendimi.

4. Ky vendim hynë në fuqi shtatë (7) ditë pas publikimit në faqen zyrtare të Komunës së Vushtrrisë.

9. Shqyrtimi dhe aprovimi i Propozim-vendimit për formimin e komisionit për plotësimin dhe ndryshimin e Rregullores për ndarjen e subvacioneve në bujqësi;

**Pas shqyrtimit të kësaj pike të rendit, kuvendi pas votimit me vota “unanime” vendosi me sa vijon:**

1. Me këtë vendim formohet komisioni për plotësim-ndryshimin e Rregullores Nr.03/2020 për përkrahjen e fermerëve në bujqësi dhe bizneseve në sektorin privat, me nr. të protokollit 01.nr.45/20 i datës 27.2.2020, në këtë përbërje:

- 1.1.Mentor Hasani, anëtar i kuvendit (PDK);
- 1.2.Agim Bregaj, anëtar i kuvendit (LDK);
- 1.3.Refik Maloku, anëtar i kuvendit (LVV);
- 1.4.Fatmir Feka, zyrtar ligjor në DEBPZHR dhe
- 1.5.Tefik Maloku, shef i Sektorit të bujqësisë.

2. Komisioni i cekur në pikën 1 të këtij vendimi në takimin e parë, në përbërjen e tij duhet të zgjedh kryesuesin e komisionit dhe procesmbajtësin, ashtu që të evidentojë ndryshim-plotësimet e dispozitave të rregullores dhe të përgatitë draftin “Propozim-ndryshimet e rregullores për përkrahjen e fermerëve në bujqësi dhe bizneseve në sektorin privat”.

3. Për zbatimin e këtij vendimi obligohet komisioni i cekur në pikën 1 të këtij vendimi.
4. Ky vendim hynë në fuqi shtatë (7) ditë pas publikimit në faqen zyrtare të Komunës së Vushtrrisë.

**10. Shqyrtimi dhe aprovimi i Propozim-vendimit për shfuqizimin e vendimit të Kuvendit të komunës për lirim nga pagesa e taksës për shërbimet e çerdheve publike;**

**Pas shqyrtimit të kësaj pike të rendit, kuvendi pas votimit me vota “unanime” vendosi me sa vijon:**

1. Me këtë vendim shfuqizohet vendimi i Kuvendit të Komunës së Vushtrrisë me numër të protokollit 01.Nr.29/22 i datës 31.1.2022 lidhur me lirimin nga pagesa e taksës për ofrimin e shërbimeve përfmijët që marrin shërbime nga çerdhet publike.

2. Për zbatimin e këtij vendimi obligohet: Drejtoria për Buxhet dhe Financa.
3. Ky vendim hynë në fuqi shtatë (7) ditë pas publikimit në faqen zyrtare të Komunës së Vushtrrisë.

**11. Shqyrtimi dhe aprovimi i Propozim-vendimit për shtyrjen e afatit për hartimin e Hartës Zonale të Komunës së Vushtrrisë;**

**Pas shqyrtimit të kësaj pike të rendit, kuvendi pas votimit me 16 vota “për” 7 vota “kundër” vendosi me sa vijon:**

1. Me këtë vendim zgjatet afati kohor për hartimin e Hartës Zonale të Komunës së Vushtrrisë, i përcaktuar me vendim fillestar (nr. 255/18 – 5) të marrë më 27/9/2018 nga Kuvendi i Komunës së Vushtrrisë.
2. Afati shtesë për hartimin e Hartës Zonale të Komunës nga subjekti përgjegjës është 9 muaj (27/3/2022-27/12/2022), i cili i vazhdohet afatit të mëparshëm (27/9/2018 – 27/9/2020-27/3/2022).
3. Për zbatimin e këtij vendimi obligohet Drejtoria për Urbanizëm dhe Mbrojtje të Mjedisit.
4. Ky vendim hynë në fuqi pesëmbëdhjetë (15) ditë pas regjistrimit në Zyrën e Protokollit të Ministrisë për Administrimin e Pushtetit Lokal, si dhe shtatë (7) ditë pas publikimit në faqen zyrtare të Komunës së Vushtrrisë.

12. Rishqyrtimi i vendimit të kuvendit të komunës me numër të protokollit 01-54/22 i datës 24.02.2022, për caktimin e lokacionit për ndërtimin e tregut të gjelbër në Komunën e Vushtrrisë;

**Pas shqyrtimit të kësaj pike të rendit, kuvendi pas votimit me vota “unanime” vendosi me sa vijon:**

1. Me këtë vendim plotësohet dhe harmonizohet vendimi i Kuvendit të Komunës së Vushtrrisë me numër të protokollit 01-54/22 i datës 24.2.2022 për caktimin e lokacionit për ndërtimin e tregut të gjelbër për prodhime vendore në Vushtrri, në parcelën kadastrale P-70202016-00655-0, në sipërfaqe prej 1637 m<sup>2</sup>, Zona Kadastrale Vushtrri, pronë e Komunës së Vushtrrisë, ashtu që ndryshimi i vendimit të cekur më lart konsiston në plotësimin dhe harmonizimin e preambulës së vendimit me referencat në Ligjin Nr.04/L-174 për Planifikim Hapësinor, dhe Planin Zhvillimor Komunal 2016-2024, konform instrukSIONEVE ligjore të dhëna nga Ministria e Mjedisit, Planifikimit Hapësinor dhe Infrastrukturës.


2. Për zbatimin e këtij vendimi obligohen: Drejtoria për Shërbime Publike, Drejtoria për Urbanizëm dhe Mbrojtje të Mjedisit, Drejtoria për Ekonomi, Bujqësi, Pylltari dhe Zhvillim Rural, si dhe Drejtoria për Gjeodezi, Kadastër dhe Pronë.

3. Pjesë përbërëse e këtij vendimi janë certifikata mbi të drejtën e pronës dhe kopja e planit

4. Ky vendim hynë në fuqi pesëmbëdhjetë (15) ditë pas regjistrimit në Zyrën e Protokollit të Ministrisë për Administrimin e Pushtetit Lokal, si dhe shtatë (7) ditë pas publikimit në faqen zyrtare të Komunës së Vushtrrisë.

**Mbledhja përfundoi në ora: 15:25.**

Bastri Duraku

  
Procesmbajtës

Melihate Basholli-Latifi

  
Kryesuese e Kuvendit

